

卷
肆
捌
陸
伍

第
十
六
本

新
增
全
圖
足
本
醫
宗
金
鑑

海
上

局
書
新
啟

隆



御纂醫宗金鑑卷四十五

編輯婦科心法要訣

崩漏門

崩漏總括

淋瀝不斷名為漏忽然大下謂之崩紫黑塊痛屬瘀熱久多緣損任衝經脾虛不攝中氣陷暴怒傷肝血妄行臨證審因須細辨虛補瘀消熱用清註婦人行經之後淋瀝不止名曰經漏經血忽然大下不止名為經崩若其色紫黑成塊腹脅脹痛者屬熱瘀若日久不止及去血過多而無塊痛者多係損傷任衝二經所致更有憂思傷脾脾虛不能攝血者有中氣下陷不能固血者有暴怒傷肝肝不藏血而血妄行者臨證之時須詳審其因而細細辨之虛者補之瘀者消之熱者清之治之得法自無不愈

崩漏證治

荊芩四物湯

崩漏血多物膠艾熱多知柏少荊芩漏瀉香附桃紅破崩初脹痛號珀靈日久氣血衝任損八珍大補養榮寧思慮傷脾歸脾治傷肝逍遙香附青註崩血



漏血去血過多者宜用膠艾四物湯補之如屬熱多者宜用知藥四物湯清之
熱少者宜用荊芩四物湯和之若漏血濇少此屬血滯宜用四物湯加香附桃
仁紅花破之若崩血初起脹痛此屬瘀凝宜用琥珀散攻之崩漏日久氣血已
虧衝任傷損者宜用八珍湯十全大補湯人參養榮湯量補其損傷若因思慮
傷脾者宜用歸脾湯補之恚怒傷肝者宜用逍遙散加炒香附青皮平之
膠艾四物湯 四物湯 琥珀散 八珍湯 十全大補湯

參養榮湯

歸脾湯

逍遙散

方俱見前調經案方內

補中益氣湯

益胃升陽湯

氣陷補中益氣舉保元升柴歸朮陳益胃升陽加苓麴腹痛加芍嗽減參〔註〕
崩漏日久脾傷食少中氣下陷不能載血者宜用補中益氣湯益胃升陽湯升
舉之補中益氣湯即人參黃耆甘草保元湯加升麻柴胡當歸白朮陳皮也益
胃升陽湯即補中益氣湯加黃芩神麴也若腹痛者宜加白芍藥有熱者用黃
芩無熱者用肉桂調之咳嗽者肺熱也減人參

調經升陽除溼湯

夾水水瀉不甚弱調經升陽除溼湯耆草升柴歸蒼朮羌獨藁本蔓荊防〔註〕

崩漏下血夾水或日瀉水一二次形氣不甚弱者宜用調經升陽除溼湯其方即黃耆甘草升麻紫胡當歸蒼朮羌活獨活藁本蔓荊子防風也以風藥先勝其溼若形氣虛弱者則當加人參陳皮合補中益氣湯補中勝溼可也

失笑散

地榆苦酒煎

殺血心痛失笑散蒲黃五靈脂定疼崩血不已防滑脫地榆苦酒煎止崩（註）崩血心腹痛甚者名曰殺血心痛乃血滯不散宜用失笑散其方即蒲黃五靈脂也先定其痛痛止然後隨證治之若崩血補之仍然不止者當防其滑脫宜用榆地一兩醋煎露一宿次早溫服立止止後隨證治之名地榆苦酒煎崩漏門彙方

補中益氣湯

黃耆

人參

白朮

甘草各一錢

當歸

陳皮各七分

升麻

柴胡各三分

以上八味均剉末加入薑棗水煎服

益胃升陽湯

黃耆

二錢

人參

一錢有救去之

神麴

一錢五分

白朮

三錢

當歸

酒洗

陳皮

甘草

各一錢

升麻

柴胡

各五分

生黃芩

二錢秋涼不用

以上為麤末每服三錢或五錢如食漆再加

之如食減只服三錢或更減之不可多服水煎去滓熱服

升陽除溼湯

黃耆

蒼朮

羌活

各一錢五分

防風

藁本

升麻

柴胡

甘草

各一錢炙

獨活

五分

蔓荊子

七分

以上吹咀水五大盞煎至一大盞去滓稍熱服空心服畢待

少時以早膳壓之

失笑散

五靈脂

蒲黃

各等分

以上為末用醎醋調二錢熱

膏入水一盞煎至七分食前熱服良驗

地榆苦酒煎

地榆

一兩

醋煎露一宿次早溫服立止後隨證調治之

苦酒即醋也

帶下門

五色帶下總括

帶下勞傷衝任邪入胞中五色分青肝黃脾白主肺衄血黑腎赤屬心隨人五臟兼溼化治從補瀉燥寒溫更審瘡膿瘀血化須別胞膀濁與淫〔註〕帶下者由於勞傷衝任風邪入於胞中血受其邪隨人藏氣溼熱溼寒所化故色青者屬肝為風溼色赤者屬心為熱溼色黃者屬脾為虛溼色白者屬肺為清溼

色黑者屬腎為寒溼也其從補從瀉從燥從瀦從寒從溫則隨證治之更審其帶久淋瀝之物或臭或腥穢乃敗血所化是胞中病也若似瘡膿則非瘀血所化是內癰膿也若如米泔兼尿竅不利乃膀胱白濁病也若尿竅通利從精竅出或如膠黏乃胞中白淫病也

帶下證治

邪入胞中吳茱萸赤黏連梔青防梔白主益氣黑六味黃淡六君或歸脾註帶下因六淫之邪入於胞中者宜吳茱萸湯若色赤色黃而濁黏者熱也色黃者加黃連梔子色青者加防風梔子若色白色黑而清稀者虛寒也色白者用補中益氣湯色黑者用六味地黃湯色黃而淡者宜六君子湯或加味歸脾湯分證調治可也

吳茱萸湯

補中益氣湯

六味地黃湯

六君子湯

歸脾湯

俱方

見首卷
彙方

加味四物湯

胞中冷痛乃寒溼四物附子桂薑宜臭腥兼合知藥用久滑升柴龍牡脂註帶下而胞中熱痛乃熱溼也今胞中冷痛乃寒溼也宜四物湯加川附子炮薑

官桂服之日久滑脫者加升麻柴胡舉之龍骨牡蠣赤石脂瀉之

四物湯

方俱見調經門案方內

清白散

帶下溼熱清白散四物薑炭草藥椿赤榆荆芩溼二朮滑加龍牡久合君〔註〕

帶下五色帶下也皆溼熱所化宜用清白散其方即四物湯加薑炭甘草黃藥椿皮也色赤加地榆荆芥黃芩溼加蒼朮白朮滑加龍骨牡蠣久則合四君子湯也

四物湯

四君子湯

俱見前調經門案方內

導水丸

萬安丸

帶下有餘皆溼化少腹脹疼污水綿導水牽滑芩軍熱萬安牽椒茴木寒〔註〕五色帶下皆從溼化若少腹脹痛污水綿綿屬溼熱者宜用導水丸其方即牽牛滑石黃芩生軍治熱有餘也屬溼寒者宜用萬安丸其方即牽牛胡椒小茴香木香治寒有餘也

威喜丸

固精丸

瘀化瘡膿濁淫病虛實寒熱酌其宜威喜蠟苓固精菟韭味桑苓龍牡脂〔註〕

帶下有因瘀血所化或瘡瘍膿出及白濁白淫者皆帶下類也其虛實寒熱當酌其藥宜用威喜丸即黃蠟茯苓也固精丸即菟絲子韭菜子五味子桑螵蛸茯苓龍骨牡蠣赤石脂也

帶下門彙方

清白散

當歸

黃蘗鹽水

白芍炒

樗根皮酒炒

生地

川芎

貝母錢各一

炮薑

甘草各五分

以上劉生薑三片水煎服

導水丸

牽牛頭末

滑石水飛

黃芩

川大黃

以上研末蒸餅為丸量虛實服

萬安丸

牽牛頭末

胡椒

木香

小茴香各等分焙

以上研末水泛為丸量虛實服

威喜丸

白茯苓四兩去皮作塊用猪苓二錢半同於磁器內煮二十餘沸出曬乾不用猪苓

黃蠟四兩

以上以茯苓為末煉黃蠟為丸如彈子大空心細嚼滿口生

津徐徐咽服以小便為清為度忌米醋只喫糠醋忌動氣

固精丸

牡蠣煨粉

菟絲子酒蒸

韭子炒

龍骨

五味子

白茯苓

桑螵蛸

酒炙

赤石脂

各等分

以上為末酒糊丸如桐子每服七十丸空心鹽湯下

癥瘕瘕癖諸證門

癥瘕積聚痞瘀血血蠱總括

五積六聚分藏府七癥八瘕氣血凝癥積不動有定處瘕聚推移定無形痞悶不宣氣壅塞未成堅塊血瘀名蓄久不散成血蠱產後經行風冷乘

註五藏

氣積名曰積故積有五證六府氣聚名曰聚故聚有六證難經有心肝脾肺腎五臟之積而無六聚蓋以積為血病而聚為氣病也故李杲有五積丸方治法巢氏病源載七癥八瘕但有八瘕名證而無七癥病形其他方書亦不概見大抵又以癥為氣病而瘕為血病也夫病皆起於氣必氣聚而後血凝不必過泥於黃青燥血脂狐蛇蟹等名但以牢固不移有定處者為癥為積推移轉動忽聚忽散者為瘕為聚可也故曰癥者徵也言有形可徵也瘕者假也言假物成形也若夫痞者痞悶不通氣道壅塞之謂也瘀血者血瘀腹中未成堅塊也蓄之既久必成血蠱矣凡此諸證皆由新產之後經行之時不知謹避以致風冷外襲邪正相搏結於腹中而成也

癥瘕證治

大七氣湯

婦人一切癥瘕病上下攻疼七氣湯藿香益智稜莪朮甘桔青陳肉桂香註
婦人一切癥瘕隨氣上下攻築疼痛者宜大七氣湯其方即藿香葉益智仁京
三稜蓬莪朮甘草桔梗青皮陳皮肉桂心木香也

食癥證治

烏藥散

經行產後食生冷臟氣相搏結塊形牢固不移日漸長開滯消積溫散行烏藥
散烏朮莪朮木香當歸青桂心註婦人經行產後貪食生冷之物與臟氣互
相搏聚結成堅塊牢固不移日漸長大者治宜開滯消積用烏藥散即烏藥桃
仁莪朮木香當歸青皮桂心以溫散之自愈

血癥證治

血竭散

乘臟虛冷風冷干飲食內與血相搏因成血癥堅牢固脅腹脹痛熱而煩少食
多忘頭汗出血竭歸芍蒲桂延註婦人產後經行之時臟氣虛或被風冷相



干或飲食生冷以致內與血相搏結遂成血癥牢固不移脅腹脹痛內熱心煩食少善忘但頭汗出者宜用血竭散即血竭當歸赤芍蒲黃桂心延胡索也

痞證治

助氣丸

三焦痞滿胸膈悶氣不宣通助氣清白朮三稜蓬朮枳殼檳榔香與陳〔註〕婦人膈胸痞悶謂之痞由於氣壅不宣所致宜助氣丸即青皮白朮三稜朮枳殼檳榔木香陳皮為丸服也

積聚證治

開鬱正元散

積聚通用正元散苓朮青陳麴麥延香砂海粉查甘桔痰飲食積血氣搏〔註〕五積六聚乃痰飲食積氣血搏結而成通用開鬱正元散其方即菰苓白朮青皮陳皮神麴麥芽延胡索香附砂仁海粉山查甘草桔梗也用以健脾消食化痰滲飲理氣和血則積聚未有不愈者矣

瘀血蟲證治

桃奴散

腹中瘀血未成形面黃發熱腹脹疼產後經來風冷客血室之內有瘀停產後惡露失笑散經閉瘀凝玉燭攻血蠱桃奴猥鼠糞延桂砂香附五靈〔註〕婦人產後經行之時傷於風冷則血室之內必有瘀血停留未成堅塊故不名癥瘕也其人必面色萎黃臍腹脹痛內熱晡熱若產後惡露不行者宜失笑散若經閉不通瘀血凝聚者宜玉燭散瘀血不行蓄之既久必成血蠱宜用桃奴散即桃奴猥鼠糞延胡索桂心砂仁桃仁香附五靈脂也猥鼠糞一名兩頭尖即雄鼠屎桃奴即桃樹上未成不落之乾桃子也

失笑散

方見首卷崩漏

玉燭散

方見首卷彙方內

痙癖疝證總括

臍旁左右一筋疼突起如弦痙證名癖在兩肋名曰癖高起如山疝病稱必引少腹腰脅痛三證皆由風冷成或作或止因寒發痛時方見不痛平〔註〕婦人臍之兩旁有筋突起疼痛大者如臂小者如指狀類弓弦者名曰痙癖在兩肋之間者名曰癖若小腹牽連腰脅疼痛高起者謂之疝名雖有三其實皆因風冷客於胞中而然故其發作皆因再受風冷發則痛痛則見不痛則平復如初也

痲癖證治

葱白散

婦人痲癖腹肋痛風冷血氣結而成葱白四物參苓枳桂朴薑香青莪稜茴香
麴麥苦楝子葱鹽煎服訶黃斟〔註〕婦人痲癖腹肋疼痛者皆因風冷與氣血
搏結而成宜用葱白散溫散之其方即四物湯加人參茯苓枳殼肉桂厚朴乾
薑木香青皮莪朮三稜茴香神麴麥芽苦楝子葱白食鹽煎服也大便結燥去
鹽加大黃如大便自利加訶子

四物湯

方見首卷
藥方內

疝病證治

當歸散

婦人疝病氣攻冲脅腹刺痛當歸芍藥甲吳茱萸桃仁芍桂榔青木大黃蓬〔註〕
婦人疝病攻衝刺痛多因風冷寒溼客於胞門血室故其病皆屬厥陰肝經宜
當歸散即當歸川芍藥甲吳茱萸桃仁赤芍肉桂檳榔青皮木香大黃蓬莪朮
也

治諸積大法

形虛病盛先扶正形證俱實去病急大積大聚衰其半須知養正積自除（註）
凡治諸癥積宜先審身形之壯弱病勢之緩急而治之如人虛則氣血衰弱不
任攻伐病勢雖盛當先扶正氣而後治其病若形證俱實宜先攻其病也經云
大積大聚衰其半而止蓋恐過於攻伐傷其氣血也羅天益曰養正積自除可
謂得經旨者矣

癥瘕積痞血蠱門彙方

大七氣湯

三棱

莪朮

各煨切

青皮

去穢

陳皮

去白

木香

藿香

益智仁

桔梗

肉桂

甘草

各七錢半炙

以上攻咀每服五錢水二盞煎至一盞食前溫服

烏藥散

烏藥

莪朮

桂心

當歸

炒

桃仁

青皮

木香

各等分

共為末每服二錢熱酒調下

血竭散

真血竭

如無紫礦代

當歸

赤芍

蒲黃

延胡索

以上等分共研細頻篩再研取盡為度每服一錢用童便合

好酒半大盞煎一沸溫調下方產下時一服上牀良久再服其惡血自循經

下行不致衝上免生百病

助氣丸

京三棱

蓬莪朮

二味各用溼紙包灰火中煨透切片各二觔

青皮

去穢

陳皮

去白

白朮

各十兩

枳殼

麩炒去穢

檳榔

木香

各十兩

以上為末糊丸如桐子大每服五十丸滾水下

開鬱正元散

白朮

陳皮

青皮

香附

山查

海粉

桔梗

茯苓

砂仁

延胡索

麥芽

炒

甘草

炙

神麴

各等分炒

以上剉每服

一兩生薑三片水煎服

桃奴散

桃奴

炒

雄鼠糞

炒兩頭尖者是

延胡索

肉桂

五靈脂

香附

炒

砂仁

桃仁

各等分

共為末每服

三錢酒調下

葱白散

當歸

熟地

赤芍

川芎

人參

茯苓

枳殼

肉桂

厚朴

乾薑

木香

青皮

莪朮

三棱

茴香

神麴

麥芽

苦棟子

各等分

以上為末加

葱白三寸食鹽五分煎服三錢大便結燥去鹽加大黃便自利加訶子



當歸散

當歸

川芎錢各二

鱉甲三錢 醋炙

吳茱萸

桃仁十五粒

赤芍

肉桂錢各一

檳榔

青皮各八分

木香

莪朮

川大黃各七分

以上為末每服一錢水一盞

入乾臙脂一錢同煎六分食後服

嗣育門

胎孕之原

天癸先天生身氣精血後天化成形男子二八天癸至屬陽應日精日盈女二
 二七天癸至屬陰應月血月通男女媾精乃有子乾道男成坤女成〔註〕天癸
 乃父母所賦先天生身之真氣也精血水穀所化後天成形之本也男子二八
 先天腎氣盛天癸至與後天所生之精會合而盈然男子屬陽陽應日故精盈
 而日舉也女子二七先天腎氣實天癸至與後天所生之血會合而盛然女子
 屬陰陰應月故血盛而月下也所以至期男女媾其先天真氣後天精血陰陽
 會合乃能有子也當此陰陽會合時陽感自然成男是乾道成男也陰感自然
 成女是坤道成女也

男女完實



編輯婦科心法要訣

精通必待三十娶天癸二十始適人皆欲陰陽完實後育子堅壯壽偏增〔註〕
男子十六而精通必待三十而娶女子十四而天癸至必待二十而嫁者皆欲
陰陽完實然後交而孕孕而育育而其子必堅壯長壽也今未笄之女天癸始
至已近男色則陰氣早瀉未完而傷未實而動所以雖交而不孕孕而不育育
而其子必脆弱不壽也

種子時候

男子聚精在寡慾交接乘時不可失須待細蘊時候至樂育難忍是真機〔註〕
聚精之道惟在寡慾交接女子必乘其時不可失之遲早蓋婦人一月經行一
度之後必有一日細蘊之時氣蒸而熱如醉如癡有欲交接不可忍之狀乃天
然節候是成胎生化之真機也

分男女論

精血先後分男女或以奇偶少多分或以子宮左右定是皆不曉個中因欲識
此中真消息乾道陽男坤女陰〔註〕分男女之說先賢有以血先至裏精則成
男精先至裏血則成女精血散分並裏則為駢胎品胎之原者有以月水盡後
一三五日成男二四六日成女與夫經水斷後一二日成男四五日成女者有

